

Ibadah Pamuhai
Partangiangan Lingkungan Tahun 2025
HKBP Pansuran Resort Pansuran
13 Februari 2025

I. Pangaradeion diri: Martangiang na hohom

II. Ibadah

1. Marende BE No. 565: 1-2 “Las Rohangku Lao Mamuji”

- ❖ Las rohangku lao mamuji, Debata Parholong i,
Songon bunga na mangerbang, di na binsar ari i.
Arsak, dosa, haporsuhon, mago dibaen asiMi.
Las ni roha na manongtong, lehon di au Tuhanki. ~~ *Jongjong* ~~~
- ❖ Sude jadijadianMu, laut, tano, langit i,
Angka bintang dohot bulan, nang mata ni ari i.
Hauma, ladang, nang harangan, rura dohot dolok i,
Saluhut na mangendehon, sangap di Tuhanta i

2. Votum

U: Marhitehite Goar ni Debata Ama, dohot Goar ni AnakNa Tuhan Jesus Kristus, dohot Goar ni Tondi Parbadia na tumompa langit dohot tano on. Amen. Songon on didok Tuhan Jesus: Ro ma hamu tu Ahu, hamu angka na loja jala sorat, Hupasonang pe hamu. Buat hamu ma augangKu tu hamu, guruhon hamu ma sian Ahu, ai na lambok do Ahu jala na serep marroha, asa dapotan paradianan hasonangan tondimuna. **Haleluya! Martangiang ma hita!**

Ale Tuhan Jesus Kristus. Ho do panondang na sintong, na manondangi ganup jolma na di portibi on. Sondanghon ma bohiM tu hami jala parbadiai ma rohanami, asa hutanda hami dalan hangoluan marhite sian i. Sai rajai ma hami, asa unang manambil hami sian dalan na sintong i. Ale Tuhan Jahowa, patongtong ma rohanami marhaporseon tu Ho marhitehite Tondi Parbadia. Amen. (*Hundul*)

3. Manjaha Turpuk : Jeremia 17: 12-18

U : Turpuk epistel di partangianganta borngin on, ima na tarsurat di Jeremia 17: 12-18, Oe habangsa ni hamuliaon, hatimboon sian mulamula, hajongjongan ni habadiaonnami!

H : Ale Jahowa, ho do pangkirimon ni Israel! Saluhut angka na tumadingkon ho gabe tarurak; angka na marbalik sian ahu, ingkon tarsurat goarna tu tano, ala tinadingkonnasida mual ni aek hangoluan, i ma Jahowa.

U : Sai ho ma pamalum ahu, ale Jahowa, asa tung malum huhilala; sai ho ma mangurupi ahu, asa tung dapotan pangurupion ahu, ai ho do pujipujionku.

H : Ida ma, angka nasida mandok tu ahu: Didia do hata ni Jahowa i? Uaro ma nian nuaeng!

U : Alai anggo ahu, ndang husonsonhon gabe parmahan ahu mangihuthon ho, jala ndang huhalomohon ari na marjea i, ho do umbotosa; hata na ruar sian bibirhu pe patar do i di jolo ni bohim.

H : Unang tung gabe hasonggoton ho di ahu, ho do haporusanku di ari hasusaan.

U : Ingkon tarurak nian angka na mangalele ahu, alai unang tarurak anggo ahu; ingkon tarsonggot nasida, alai unang tarsonggot anggu ahu, paro ma tu atasnasida ari hinamago, jala silompit dua hapipidomnasida i.

Ido sahatna. Martua do angka na tuamngihon Hata Ni Debata jala Naumpeopsa.

U+H : Amen

4. Marende BE No. 769: 1-2 “Tu Debata Do Panghirimon”

- ❖ Tu Debata do panghirimonki,; di tano laut nang awangawang i, Ibana do haposanki,; tongtong do diramoti langkangki.

Reff: Torop pe mara manahopi au,; Debatangki do sumarihon au, pos rohangki, sonang do au; Ibana do na mandongani au.

- ❖ Amporik i nang bungabunga i,; Ro di sude na tinompaNa i,

Na metmet nang na balga i,; Ibana do na marmuduhon i,
Reff: Torop pe mara....

5. Koor : 1. Rena HKBP Pansuran; 2. Lingkungan : a...., b....

6. Tangiang Sian sahalak Ruas

7. Koor : 1. Ina Gloria; 2. Ina Parari Kami

8. Marende BE No. 458: 1-2 “Barita Na Umuli”

- ❖ Barita na umuli i, na sian Tuhan Jesus
Sai i do margogoihon au, nang arsak pe hubolus
On mangapuli rohangki : Sai Tuhanki na basa i do donganki
- ❖ Ai ndang adong di rohangki na so hinilalaNa
Ditanda hagaleonhi, nang pe so dung marsala
Hujalo hamonangan i, ai Tuhanki na basa i do donganki

9. Tangiang sian Sahalak Parhalado

10. Koor: 1. Mannen Agave

11. Marende BE No. 670: 1-2 “Tarbege Soara Na Joujou”

- ❖ Tarbege soara na joujou,; Tongos ma sondangmi,
Tung torop parbegu di na holom i,; Tongos ma sondangmi.
Reff: Tongos ma barita na uli; Mandungoi na modom i,
Tongos ma Barita na uli; Mandungoi na modom i.
- ❖ Tarbege ma angguk na joujou; Tongos ma sondangmi,
Taurupi ma angka na lilu i,; Tongos ma sondangmi,
Reff: Tongos ma barita na uli.....

12. Jamita : Kolose 1: 24-29

1:24 Las do rohangku nuaeng di angka haporsuhonku na humongkop hamu,
jala marhite sian dagingku hugoki na hurang dope di angka na tinaon
ni Kristus, humongkop dagingna, i ma huria i.

1:25 Naung gabe parhalado ni i do ahu, hombar tu pangaradotion ni Debata,
na pinasahatna tu ahu, i ma na manggohi hata ni Debata nang di hamu.

1:26 I ma hahomion, na buni najolo sian mula ni mulana, marsundutsundut;
alai nuaeng dipapatar do tu angka na badiana.

1:27 Ai tu nasida do naeng pabotohonon ni Debata surung ni hamuliaon ni
hahomion on, di tongatonga ni angka parbegu; i ma: Kristus di
bagasan hamu, sihorhon pangkirimon di hasangapon.

1:28 Ibana do hubaritahon hami; hupaingot jala huajari hami nasa jolma di
nasa habisuhon, laho pajongjong ganup jolma rimpas di bagasan
Kristus.

1:29 I do huhalajahon mardongan parungkilon, marguru tu hagagoonna, na
gogo situtu mangkorhon di bagasan ahu.

13. Marende BE No. 669: 1-... “Ringgas Au Paboahon” (Pelea 1 & 2)

❖ Ringgas au paboahon, barita na uli;
Barita haholongon, ni Jesus Tuhanki,
Ringgas au paboahon, ai na sintong do i
Mambuat nasa holso, soada tudos nii
Reff: Ringgas au paboahon, barita na ummuli,
Barita haholongon, ni Jesus Tuhanki.

❖ Ringgas au paboahon, Barita na uli,
Ai tung so tarpatudos, tu na di tano i,
Ringgas au paboahon, tu sude donganki,
Ai tung marhite i, do malua tondingki.
Reff: Ringgas au paboahon....

~~~ Musik ~~~

❖ Ringgas au paboahon, Barita na Uli,  
Ai lam binaritahon, lam ganda tonggi ni,  
Ringgas au paboahon, hata na sintong i,  
Tu na dihalomohon, asa malua i.  
Reff: Ringgas au paboahon....

### **14. Tangiang Panutup: Tangiang Ale Amanami - Pasupasu**